

T 5237.48/0233

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

NOV 1 1957

47

目次

唐宣宗皇帝賜賈島墨制

敕比者禮部奏卿風狂遂直令關外將息今卻
攜卷軸潛至京城遇朕微行聞卿諷詠覩其志
業可謂屈人是用顯我特恩賜爾墨制宜從短
簿別俟殊科可守劍南道遂州長江縣主簿仍
便賚敕乘驛赴官所管藩侯宜上聞

大中八年九月七日

右大中墨制九十四字舊刻石祠堂中唐書
作傳云文宗時坐飛謗貶長江主簿會昌初
以普州司倉遷司戶參軍墓誌亦記罹飛謗

長江縣志
解褐責授長江簿會昌癸亥終於普州官舍
蘇絳當時人誌必不差摘言載武宗時謫去
尤非也然則大中恐是大和字今不敢輒改
以俟知者辨之王遠謹跋

唐故司倉參軍賈公墓銘

鄉貢進士蘇絳撰

公諱島字浪仙范陽人也其先自周康王封少
子建侯於賈因而氏焉詎則漢太傅演則晉尚
書繇是而徽裔流遠矣祖宗官爵頗未研詳高
曾不仕公長材閒氣超卓挺生六經百氏無不
談覽妙之尤者屬思五言孤絕之句記在人口
穿楊未中遽罹飛謗解褐責授遂州長江縣主
簿三年在任卷不釋手秩滿遷普州司倉參軍
諸侯待以賓禮性和茂未嘗評人之是非況不

長江集金
食葷血風骨自清念持金偈真搜至理悟浮幻
之莫實信無生之可求智矣哉又善攻筆法得
鍾張之奧所著文篇不以清新綺靡為意澹然
躡陶謝之蹤片雲獨鶴高步物表長沙裁賦事
略同焉攸望遭遇時求紫泥必降優游華省翔
泳清途噫修短定期數豈能越會昌癸亥歲七
月二十八日終於郡官舍春秋六十有五嗚呼
殆未浹旬又轉授普州司戶參軍榮命雖來於
我何有痛而無子夫人劉氏承公遺旨粵以明
年甲子三月十七日庚子擇安岳縣移風鄉南

崗權安里也慮陵谷遷變刊石紀時以絳忝公
知者見命為誌詞愧無文銘曰

猗歟賈公天縱竒文名高位下鶴不在雲蚤振
聲光高步出羣今則已矣馨若蘭薰

賈浪仙長江集目錄

范陽

賈

島

浪仙

第一卷

古意

望山

北岳廟

朝飢

哭盧仝

劍客

口號

寄遠

齋中

感秋

翫月

辭二知己

義雀行

宿懸泉驛

辯士

不欺

絕句

寓興

遊仙

枕上吟

雙魚謠

易水懷古

蚤起

各喜

寓延壽里精舍

贈智朗上人

送沈秀才

酬棲上人

見終南雪

第二卷

寄孟協律

和劉涵

懷獨孤崇魚琢

投張太祝

詠韓氏二子

送別

詣張籍韓愈

上谷送客

重酬姚少府

投孟郊

代邊將

寄劉栖楚

寄丘儒

送陳商

送張校書季霞

寄友人

答王參

延康吟

戲贈友人

寓興

懷鄭從志

登龍興寺樓

送鄭山人

就峯公宿

劉景陽東齋

對雨

送集文上人

題岸上人閑居

遊子

寄王參

送汲鵬

第三卷

寄令狐相公

哭柏巖禪師

山中道士

就可公宿

旅遊

送鄒明府遊靈武

題藍田廳

贈王將軍

下第

寄賀蘭朋吉

憶吳處士

哭孟郊

送崔定

寄白閣默公

宿錙司馬池上

送朱可久歸越中

送田卓入華山

送董正字常州覲侍

酬姚少府

送無可上人

送李騎曹

送烏行中

送覺興上人

寄無可上人

南池

寄貞空二上人

送貞空二上人

送裴校書

寄姚合

即事

上韓吏部

題天津橋南山

投李益

弔孟協律

送人適越

送僧遊衡岳

送路

洛陽道中寄弟

江亭晚望

送耿處士

第四卷

過唐校書書齋

送杜秀才

送天台僧

懷紫閣隱者

懷皇甫荀

秋暮

哭胡遇

送丹師歸閔中

送惟鑒法師

題李凝幽居

送韓湘

寄董武

宿贊上人房

訪李甘原居

題山寺井

無可上人相訪

送李餘及第歸

荒齋

喜賀蘭三見訪

題鏡公房

送陳判官

送唐瓌

喜唐溫琪頻至

送馭法師

寄錢庶子

原上秋居

夏夜

冬夜

送厲宗上人

寄李存穆

贈無懷禪師

寄姚主簿

題劉華書齋

送盧秀才

送姚明府

送友人遊江左

雨中懷友

寄遠

南齋

題友人新居二首

第五卷

送雍陶入蜀

張郎中過原東居

答王秘書

送李餘

偶作

過雍秀才居

寄顧非熊

送神邈法師

送霄韻法師

送知興上人

送惠雅法師

憶吳處士

題章博士新居

留辭從叔暮

送朱兵曹

懷博陵故人

夕思

寄楊少尹

孟融逸人

晚晴見終南諸峯

宿池上

喜姚郎中迴

送鄭史

送李溟

和楊鄭州

題長江

泥陽館

送徐員外

送賀蘭上人

寄令狐相公

寄李尚書

逢舊識

崇聖寺彬公房

送李傅侍郎

別徐明府

送友人歸襄陽

送友人入蜀

送鄭少府

于規

送僧歸天台

第六卷

上樂使君

贈友人

送雍陶及第歸

謝令狐相公賜衣

送鑒周上人

送譚遠上人

新年

送姚杭州

送僧

夜集田卿宅

寄長孫棲嶠

酬厲玄

送錙式

送空公

贈紹明上人

贈弘泉上人

送宣皎上人

病起

送殷侍御

送沈鶴

懷錢孟二公

贈李金州

酬姚校書

送獨孤馬二秀才

病蟬

青門里作

盧秀才南臺

寄李翰侍御

寄令狐相公

再投李益

積雪

過楊道士居

贈僧

送友人遊塞

思遊邊友人

秋暮寄友人

寄令狐相公

和孟逸人

宿姚少府北齋

雪晴晚望

第七卷

送崔嶠

寄朱錫珪

馬戴居華山因寄

寄胡遇

送李戎

送孫逸人

寄華山僧

送李登

過郝逸人居

酬李廓

與李廓同宿

送南卓歸京

酬韓愈書問

長孫霞李溟見訪

送惟一

鄭尚書新開涪江二

首

寄喬侍郎

送去華法師

送蔡京

慈恩寺上座院

題朱慶餘所居

送黃知新

贈胡禪師

元日女道士受籙

重與彭兵曹

贈莊上人

逢僧伯陽

贈皇甫主簿遊山

宿成湘林下

喜雍陶至

酬胡遇

宿郁公房

送褚山人

寄韓湘

雨夜寄馬戴

喜無可上人回

寄毘陵徹公

送韋校書

寄劉侍御

第八卷

送穆少府

留別鄴中友人

送李校書

宿孤館

哭宗密禪師

宿山寺

送友人如邊

題竹谷上人院

京兆原作

寄江上人

送僧歸太白山

暮過山邨

鷺鷥

內道場僧弘紹

蔣亭和蔡湘川

光州王使君水亭作

留別王使君

宿姚合宅寄張司業

哭張籍

靈準上人院

寄柳舍人

送玄巖上人歸西蜀

寄宋州田中丞

送朱休歸劍南

寄長武朱尚書

送皇甫侍御

郊居即事

夜集姚合宅期可公

不至

喜李餘自蜀至

王佐御南原莊

送康秀才

送僧

送魏少府

原居即事言懷

登樓

上樂使君救康成公

昆明池汎舟

送僧

送劉知新

寄慈恩寺郁上人

送饒州張使君

觀冬設上楊尚書

第九卷

巴興作

蚤蟬

投元郎中

阮籍嘯臺

滕校書院小池

送陝府王司馬

上谷旅夜

寄無得頭陀

雙白鷺

送胡道士

寄韓潮州

酬張籍王建

逢故人彭兵曹

贈牛山人

送于中丞

送劉侍御重使江西

贈圓上人

贈李使君

酬文郁上人

訪鑒玄師姪

夜坐

送別

聞蟬感懷

夏夜上谷宿開元寺

送于總持歸京

崔卿池上鶴

田中丞高亭

友人婚楊氏催裝

酬朱侍御望月

題韋雲叟草堂

和韓愈汎南溪

方鏡

酬姚合

送靈應上人

贈丘先生

渡桑乾

夜期嘯客不至

夜集烏行中所居

贈梁浦斑竹杖

尋石甕寺上方

第十卷

秋寄題靈隱寺

黎陽寄姚合

送崔約秀才

詠懷

夏日寄高洗馬

送周判官元範赴越

送羅少府歸牛渚

題童真上人

贈溫觀主

龐少尹除太常少卿

上邠寧邢司徒

欲遊嵩岳留別李益

病鵲吟

贈僧

贈翰林

頌德上賈常侍

田將軍書院

投龐少尹

夏夜登南樓

題青龍寺

贈李文通

贈號州三堂吳郎中

送僧

三月晦日贈劉評事

送張道者

題魚尊師院

宿杜家亭子

送穰上人

楊祕書新居

聽樂山人彈易水

經蘇秦墓

題戴勝

題隱者居

哭孟東野

過京索先生墓

客思

鹽池院觀鹿

賈浪仙長江集目錄

賈浪仙長江集卷第一

司戶參軍

賈

島

浪仙

古意

碌碌復碌碌百年雙轉轂志士中夜心良馬白日足俱為不等閒誰是知音目眼中兩行淚曾弔三獻玉

望山

南山三千里不見踰一旬冒雨時立望望之如朋親虬龍一旬波洗蕩千萬春日日雨不斷愁殺望山人天事不可長勁風來如奔陰霽一作一

長江詩一
以埽浩翠寫國門長安百萬家家張屏新誰
家最好山我願爲其鄰

北岳廟

天地有五岳恒岳居其北巖巒疊萬重詭怪浩
難測人來不敢入祠宇白日黑有時起霖雨一
灑天地德神兮安在哉永康我王國

朝飢

市中有樵山北舍朝無煙井底有甘泉釜中乃
空然我要見白日雪來塞青天坐聞西牀琴凍
折兩三絃飢莫詣他門古人有拙言

哭盧仝

賢人無官死不親者亦悲空今古鬼哭更得新
鄰比平生四十年惟著白布衣天子未辟召地
府誰來追長安有交友託孤遽棄移一作遺冢側誌
石短文字行參差無錢買松栽自生蒿草枝在
日贈我文淚流把讀時從茲加敬重深藏恐失
遺

劍客

十年磨一劍霜刃未曾試今日把似一作事君誰爲
不平事

口號

中夜忽自起汲此百尺泉林木含白露星斗在青天

寄遠

別腸多鬱紆豈能肥肌膚始知相結密不及相結踈踈別恨應少密離恨難祛門前南流水中
有北飛魚魚飛向北海可以寄遠書不惜寄遠書故人今在無況此數尺身阻彼萬里途自非
日月光難以知子軀

齋中

耽靜非謬爲本惟實踈索齋中一就枕不覺白日
日落低扉礙軒轡寘德謝接諾叢菊在墻陰秋
窮未開萼所餐類病馬動影似移岳欲駐迫逃
衰豈殊辭綆縛已見飽時兩應豐蔬與藥

感秋

商氣颯已來歲華又虛擲朝雲藏竒峯暮雨灑
踈滴幾蜩嘿涼葉數蛩思陰壁落日空館中歸
心遠山碧昔人多秋感今人何異昔四序馳百
年玄髮坐成白喧喧狗聲利擾擾同轍迹儻無
世上懷去偃松下石

詠月

寒月破東北賈生立西南西南立倚何立一作倚
青青杉近月有數星星名未詳諳但愛杉倚月
我倚杉為三月乃不上杉上杉難相參貽矐子
細視睛瞳桂枝剗目常有熱疾久視無煩炎以
手捫衣裳零露已濡沾久立雙足凍時向股胫
淹立久病足拆兀然臍膠黏他人應已睡轉喜
此景恬此景亦胡及而我苦淫耽無異市井人
見金不知廉不知此夜中幾人同無厭待得上
頂一作頂上看未擬歸枕函一作韞強步望寢齋步步情不

堪步到竹叢西東望如隔簾却坐竹叢外清思
刮幽潛量知愛月人身願化為蟾

辭二知己

一雙千歲鶴立別孤翔鴻波島忽已暮梅一作海雨
寒濛濛離人聞美彈亦與哀彈同况兹切切弄
繞彼行行躬雲飛北岳碧火西山紅何以代
遠誠拆芳臘雪中

義雀行和朱評事

玄鳥雄雌俱春雷驚蟄餘口銜黃河泥空即翔
天隅一夕皆莫歸曉曉遺眾雛雙雀抱仁義哺

食勞劬劬雖既邈迤飛雲閒聲相呼鶯感雀深
恩雀媿揚不殊禽賢難自彰幸得主人書

宿懸泉驛

曉行瀝水樓暮到懸泉驛林月值雲遮山燈照
愁寂

辯士

辯士多毀訾不聞譚已非猛虎恣殺暴未嘗嚙
妻兒此理天所感一作感下同所感當問誰求食飼雛
禽吐出美言辭善哉君子人揚光揜瑕玼

不欺

上不欺星辰下不欺鬼神知心兩如此然後何
所陳食魚味在鮮食蓼味在辛掘井須到流結
交須到頭此語誠不謬敵君三萬秋

絕句

海底有明月圓於天上輪得之一寸光可買千
里春

寓興

莫居暗室中開目閉目同莫趨碧霄路容飛不
容步暗室未可居碧霄未可趨勸君跨仙竹一作鶴
日下雲爲衢

遊仙

借得孤鶴騎高近金烏飛掬河洗老一作兒照月生光一作嫩輝天中鶴路直天盡鶴一息歸來不騎鶴身自有羽翼若人無仙骨芝朮無煩食

枕上吟

夜長憶白日枕上吟千詩何當苦寒氣忽被東風吹冰開魚龍別天波殊路岐

雙魚謠

詩韓職方書中以孟常州簡詩見示

天河墮雙魴飛來庭中央掌握尺餘雪劈開腸有璜見令讒舌短烹遶鄰舍香一得古詩字與

玉合異藏

易水懷古

荆卿重一作量虛死節烈書前史我歎方寸心誰論一時事至今易水橋寒風兮蕭蕭易水流得盡

荆卿名不消一作凋

蚤起

北客入西京北鴈再離北秋寢獨前與天梭星落織耽翫餘恬爽顧盼輕疴力旅途少顏盡明鏡勸仙食出門路縱橫張家路最直昨夜夢見書張家廳上壁

客喜

客喜非實喜客悲非實悲百迴信到家未當身
一歸未歸常嗟愁嗟愁填中懷開口吐愁聲還
却入耳來常恐滴淚多自損兩目輝鬚邊雖有
絲不堪織寒衣

延壽里精舍寓居

旅託避華館荒棲遂愚慵短庭無繇植珍果春
亦濃側廬廢局樞纖魄時卧逢耳目乃鄺井肺
肝即巖峯汲泉飲酌餘見我閒靜容霜蹊猶舒
英寒蜨斷來蹤雙履與誰逐一尋青瘦筇

賈浪仙長江集卷第二

寄孟協律

我有弔古泣不泣向路岐揮淚灑暮天滴著桂
樹枝別後冬節至離心北風吹坐孤雪扉夕泉
落石橋時不驚猛虎嘯難辱君子詞欲酬空覺
老無以堪遠持茗甕倚角牕王屋懸清思

和劉涵

京官始云滿野人依舊閑閉扉一畝居中有古
風還市井日巳午幽牕夢南山喬木覆北齋有
鳥鳴其閒前日遠岳僧來時與開關新題驚我

瘦窺鏡見醜顏陶情昔清淡此意復誰一作羣攀

明月山懷獨孤崇魚琢

明月常在目明月長在心在心復在目何得稀
去尋試望明月人孟夏樹蔽岑想彼歎此懷樂
喧忘幽林鄉本北岳外悔恨東夷深願縮地脈
還豈待天恩臨非不渴隱秀一作季却嫌他事侵或
云岳樓鍾來繞草堂吟當從令尹後再往步柏
林

投張太祝

風骨高更老向春初陽葩冷冷月下韻一一落

海涯有子不敢和一聽千歎嗟身眠東北泥魂
挂西南霞手把一枝栗往輕覺程賒水天朔方
色暖日蒿根花達一作達閑幽棲山遣尋種藥家欲
買雙瓊瑤慙無一木瓜

詠韓氏二子

千巖一尺壁八月十五日一作夕清露墮桂花白鳥
無虛碧

送別

丈夫未得志行行且低眉素琴彈復彈會有知
昔知

攜新文詣張籍韓愈途中成

袖有新成詩欲見張韓老青竹未生翼一步萬
里道仰望青冥天雲雪壓我腦失卻終南山惆
悵滿懷抱安得西北風身願變蓬草地祇聞此
語突出擊我到

上谷送客遊江湖

莫歎迢遞分何殊咫尺別江樓到夜登還見南
臺月

重酬姚少府

隙月斜枕傍諷詠夏詒什如今何時節蟲虺亦

已蟄答遲禮涉傲抱疾思加澀僕本胡爲者銜
肩貢客集茫然九州內譬如一錐立欺暗少此
懷自明曾瀝泣量無趨一作矯勇士誠欲戈矛戢原
閣期躋攀潭舫偶俱入深齋竹木合一作多畢夕風
雨急俸利沐均分價稱煩噓喻百篇見刪罷一
命嗟未及滄浪愚將還知音激所習

投孟郊

月中有孤芳天下聆熏風江南有高唱海北初
來通容飄清冷餘自蘊襟抱中止息乃流溢推
尋卻冥蒙我如雪山子渴彼偈句空畢竟獲所

實爾焉遂深衷錄之孤燈前猶恨百首終一吟
動狂機萬疾辭頑躬生年面未交永夕寤輒同
叙詰一作詩惟君師詎言無吾宗余求履其跡君曰
可但攻啜波腸未飽捐險神難從前歲曾入洛
差池阻從龍萍家復從趙雲思長縈嵩高海剗每
可詣長途追難窮願傾肺腸事盡入焦梧桐

代邊將

持戈簇邊日戰罷浮雲收露草泣寒霽夜泉鳴
隴頭三尺握中鐵氣衝星斗牛報國不拘貴憤
將平虜讎

寄劉栖楚

趨走與偃卧去就自殊分當牕一重樹上有萬
里雲離披不相顧彷彿類人羣友生去更遠來
書絕如焚蟬吟我為聽我歌蟬豈聞歲暮儻旋
歸晤言桂氛氲

寄丘儒

地近輕數見地遠重一面一面如何重重甚珍
寶片自經失歡笑幾度騰霜霰此心鎮懸懸天
象因迴轉長安秋風高子在東甸縣儀形信寂
蔑風雨豈乖聞憑人報消息何易憑筆硯俱不

盡我心終須對君宴

送陳商

古道長荆棘新岐路交橫君於荒榛中尋得古
轍行足踏聖人路貌端禪士形我曾接夜談似
聽講一經聯翩曾數舉昨登高第名釜底絕煙
火曉行皇帝京上客遠府遊主人須目明青雲
別青山何日復可升一作并

送張校書季霞

從京去容州馬在船上多容州幾千里直傍青
天涯掌記試校書未稱高詞華義往不可屈出

家如入家城市七月初熟與夏未差錢君到野
地秋涼滿山坡南境異北候風起無塵沙秦吟
宿楚澤海酒落桂花暫一作還醒彼土生桂茶
寄友人

同人半年別一別寂來音賴有別時文相思時
一吟我常倦投跡君亦知此衿筆硯且勿棄蘇
張曾陸沈但存舌在口當冀身遂心君看明月
夜松桂寒森森

谷王參

寸晷不相待四時互如競客思先覺秋蟲聲苦

知暝霜松積舊翠露月圓一作如鏡詩負屬景同
琴孤坐堂聽相期黃菊節別約紅桃徑每把式
微篇臨風長一詠

延康吟

寄居延壽里為與延康鄰不愛延康里愛此里
中人人非十年故人非九族親人有不朽語得
之煙山春

戲贈友人

一日不作詩心源如廢井筆硯為轆轤吟詠作
縻縷朝來重汲引依舊得清冷書贈同懷人詞

中多苦辛

寓興

真集道方至貌殊妬還多山泉入城池自然生
渾波今時出古言在衆翻為訛有琴舍正韻知
音者如何一生足感激世顏忽差我不得市井
味思嚮吾巖阿浮華豈我事日月徒蹉跎曠哉
頽陽風千載無其他

懷鄭從志

西風吹陰雪雨雪半夜收忽憶天涯人起看斗
與牛故人別二年我意如百秋音信兩杳杳誰

云昔綢繆平明一封書寄來東北州翩翩春歸
鳥會自爲匹儔

易州登龍興寺樓望郡北高峯

郡北最高峯巉巖絕雲路朝來上樓望稍覺得
幽趣朦朧碧煙裏羣嶺若相附何時一登陟萬
物皆下顧

送鄭山人遊江湖

南遊衡岳上東往天台
華頂峯目觀滄
海水

就峯公宿

河出鳥宿後螢火白露中上人坐不倚共我論
量空殘月華晻曖遠水響玲瓏爾時無了寤茲
宵方未窮

劉景陽東齋

松陰連竹影中有蕪落井清風此地多白日空
自詠景陽公幹孫詩句得真景勸我不須歸月
出東齋靜

對雨

九日不出門十日見黃菊灼灼尚繇英美人無
消息

送集文上人遊方

來從道陵井雙木溪邊會分首芳草時遠意青
天外此遊詣幾岳嵩華衡恒泰

題岸上人郡內閑居

靜向方寸求不居千嶂幽池開菡萏香門閉莓
落秋金玉重四句糝糠輕九流爐煙上喬木鐘
磬下危樓手種一株松貞心與師儔

遊子

遊子喜鄉遠非吾憶歸廬誰知奔他山自欲蚤
旋車朝賞暮已足圖歸願無餘當期附鵬翼未

偶方躊躇

寄山中王參

我看岳西雲君看岳北月長懷燕城南相送十
里別別來千餘日日憶不歇遠寄一紙書數
字論白髮

送汲鵬

淮南卧理後復逢君姓汲文彩非尋常志願期
卓立深江東汎舟夕陽眺原隰夏夜言詩會往
往追不及

賈浪仙長江集卷第二

山中人
寄令狐相公
策杖馳山驛
逢人問梓州
長江那可到
行客替生愁
哭柏巖禪師
落覆石牀新
師曾占幾春
寫留行道影
焚却坐禪身
塔院關松雪
經房鎖隙塵
自嫌雙淚下
不是解空人
山中道士
頭髮梳千下
休糧帶瘦容
養雛成大鶴
種子作

賈浪仙長江集卷第三

寄令狐相公

策杖馳山驛
逢人問梓州
長江那可到
行客替生愁

哭柏巖禪師

落覆石牀新
師曾占幾春
寫留行道影
焚却坐禪身
塔院關松雪
經房鎖隙塵
自嫌雙淚下
不是解空人

山中道士

頭髮梳千下
休糧帶瘦容
養雛成大鶴
種子作

高松白石通宵煮寒泉盡日春不曾離隱處那
得世人逢

就可公宿

十里尋幽寺寒流數派分僧同雪夜坐雁向草
堂聞靜語終燈燭餘生許嶠雲猶來多抱疾聲
不達明君

旅遊

此心非一事書札若爲傳舊國別多日故人無
少年空巢霜葉落踈牖水螢穿留得林僧宿中
宵坐嘿然

送鄒明府遊靈武

曾宰西畿縣三年馬不肥債多憑劍與官滿載
書歸邊雪藏行徑林風透卧衣靈州聽曉角客
館未開扉

題皇甫荀藍田廳

任官經一年縣與玉峯連竹籠拾山果瓦餅擔
石泉客歸秋雨後印鑱暮鐘前久別丹陽浦時
時夢釣船

贈王將軍

宿衛爐煙近除書墨未乾馬曾金鏃中身有寶

刀瘢父子同時捷
君王畫陣看何當
爲外帥白日出長安

下第

下第只一作惟空囊如何住
帝鄉杏園啼百舌
誰醉在花傍
淚落故山遠
病來春草長
知音逢一作豈豈
易孤權負三湘

寄賀蘭朋吉

往往東林下
花香似火焚
故園從小別
夜雨近秋聞
野菜連寒水
枯株簇古墳
汎舟同遠客
尋寺入幽雲
斜日扉多掩
荒田徑細分
相思蟬幾

處偶坐螻成羣
會宿曾論道
登高省議文
苦吟遙可想
邊葉向紛紛

憶吳處士

半夜長安雨
燈前越客吟
孤舟行一月
萬水與千岑
島嶼夏雲起
汀洲芳草深
何當折松葉
拂石剡溪陰

哭孟郊

身死聲名在多
應萬古傳
寡妻無子息
破宅帶林泉
塚近登山道
詩隨過海船
故人相弔後
斜日下寒天

送崔定

未知遊子意何不避炎蒸幾日到漢水新蟬鳴
杜陵秋江待得月夜語恨無僧巴峽吟過否連
天十二層

寄白閣默公

已知歸白閣山遠晚晴看石室人心靜冰潭月
影殘微雲分片滅古木落薪乾後夜誰聞磬西
峯絕頂寒

雨後宿劉司馬池上

藍溪秋漱玉此地漲清激蘆葦聲兼雨芰荷香

遶燈岸頭秦古道亭面漢荒陵靜想泉根本幽
崖落幾層

送朱可久歸越中

石頭城下泊北固暝鐘初汀鷺潮衝起舟牕月
過虛吳山侵越衆隋柳入唐踈日欲躬調膳辟
來何府書

送田卓入華山

幽深足暮蟬驚覺石牀眠瀑布五千仞草堂瀑
布邊壇松涓滴露岳月沈寥天鶴過君須看上
頭應有仙

送董正字常州覲省

相逐一行鴻何時出磧中江流翻白浪木葉落
青楓輕楫浮吳國絲霜下楚空春來歡侍阻正
字在東宮

酬姚少府

梅樹與山木俱應搖落初柴門揜寒雨蟲響出
秋蔬枯槁彰清鏡孱愚友道書刊文非不朽君
子自相於

送無可上人

圭峯霽色新送此草堂人塵尾同離寺蛩鳴暫

別親獨行潭底影數息樹邊身終有煙霞約天
台作近鄰

送李騎胄

歸騎雙旌遠懽生此別中蕭關分磧路嘶馬背
寒鴻朔色晴天北河源落日東賀蘭山頂草時
動卷帆風

送烏行中石淙一作琮別業

寒水長繩汲丁冷數滴翻草通石淙瓜硯帶海
潮痕岳色何曾遠蟬聲尚未絲勞思當此夕苗
稼在西原

送覺興上人歸中條山兼謁河中李司

空

又憶西巖寺秦原草白時山尋樵逕上人到雪
房遲暮磬潭泉凍荒林野燒一作火移聞師新譯偈
說擬對旌麾

寄無可上人

僻寺多高樹涼人憶重遊磬過溝水盡月入草
堂秋穴螿落痕靜藏蟬柏葉稠名山思徧往蚤
晚到嵩丘

南池

蕭條微雨絕荒岸抱清源入舫山侵塞分貝稻
接村秋聲依樹色月影在蒲根淹泊方難遂他
宵關夢魂

寄龍池寺真空二上人

受請終南住俱妨去石橋林中秋信絕峯頂夜
禪遙寒草煙藏虎高松月照鷗霜天期到寺寺
置即前朝

送真空二上人

林下中餐後天涯欲去時衡陽過有伴夢澤出
應遲石磬踈寒韻銅餅結夜澌殷勤訝此別且

未定歸期

送裴校書

拜官從祕省署職在藩維多故長踈索高秋遠
別離天寒泗上醉夜靜岳陽碁使府臨南海帆
飛到不遲

丹陽精舍南臺對月寄姚合

月向南臺見秋霖洗滌餘出逢危葉落靜益衆
峯踈冷露尋時有禪牕此夜虛相思聊悵望潤
氣徧衣初

即事

索莫對寒燈陰雲積幾層自嗟鄰十上誰肯待
三徵心被通人見文叨大匠稱悲秋秦塞草懷
古漢家陵城靜高崖燒漏多幽沼冰過聲沙島
鷺鳥絕行石菴僧豈爲一作謂舊廬在誰言歸未曾

黃子陂上韓吏部

石樓云一別二十二三春相逐升堂者幾爲埋
骨人涕流聞度瘴病起賀還秦曾是令勤道非
惟卹在迤踈衣蕉縷細爽味茗芽新鐘絕滴殘
雨螢多無近鄰溪潭承到數位秩見辭頻若箇
山招一作中隱機忘任此身

天津橋南山中各題一句

野坐分落石

李益

山行遶菊叢

韋執中

雲衣惹不破

諸葛覺

秋色望來空

賈浪仙

投李益

四十歸燕字千年外始吟已將書北岳不用比

南金

弔孟協律

才行古人齊生前品位低葬時貧賣馬遠日哭
惟妻孤冢北邙外空齋中岳西集詩應萬首物
象徧曾題

送人適越

高城滿夕陽何事欲沾裳遷客蓬蒿暮遊人道
路長晴湖勝鏡碧寒柳似金黃若有相思夢殷
勤載八行

送僧遊衡岳

心知衡岳路不怕去人稀船裏猶鳴磬溪頭自
曝衣有家從小別無寺不言歸料得逢寒住當
禪雪滿扉

送路

別我就蓬蒿日斜飛伯勞龍門流水急嵩岳片

雲高歎命無知己梳頭落白毛從軍當此去風
起廣陵濤

洛陽道中寄弟

趨走逼流年慙經此路偏密雲埋二室積雪度
三川生類梗萍汎悲無金石堅翻鴻有歸翼極
目仰聯翩

江亭晚望

浩渺浸雲根煙嵐沒遠邨鳥歸沙有跡帆過浪
無痕望水知柔性看山欲倦魂縱情猶未已迴
馬欲黃昏

賈浪仙長江集卷第四

過唐校書書齋

地滿風吹竹時時得爽神聲齊雛鳥語畫卷老
僧真月出行幾步花開到四隣江湖心自切未
可挂頭巾

送杜秀才東遊

東遊誰見待盡室寄長安別後一作夜葉頻落去程
山已寒大河風色渡曠野燒煙殘匣有青銅鏡
時將照鬢看

送天台僧

遠夢歸華頂扁舟背岳陽寒蔬修淨食夜浪動
禪牀雁過孤峯燒爨啼一樹霜身心無別念餘
習在詩章

懷紫閣隱者

寂寥思隱者孤獨坐秋霖梨栗猿喜熟雲山僧
說深寄書應不到結伴擬同尋廢寢方終夕迢
迢紫閣心

兩夜同厲玄懷皇甫荀

桐竹遶庭匝雨多風更吹還如舊山夜卧聽瀑
泉時磧雁來期近秋鐘到夢遲溝西吟苦客中

夕話兼思

秋暮

北門楊柳葉不覺已繽紛值鶴因臨水迎僧忽
背雲白鬚相並出暗淚兩行分默默空朝夕苦
吟誰喜聞

哭胡遇

天壽知齊理何曾免歎嗟祭迴一作葬時收朔雪弔後
折寒花野水吟秋斷空山影暮斜弟兄相識徧
猶得到君家

送丹師歸閩中

波濤路杳然衰柳洛陽蟬行李經雷電禪前漱
島泉歸林久別寺過越未離船自說從今去身
應老海邊

送安南惟鑒法師

講經春殿裏花遶御牀飛南海幾迴過舊山臨
老歸潮搖蠻草落月濕島松微一作觸風香損
印沾雨磬生衣空水
既如彼一作雲水
路迢遞往來消息稀

題李凝幽居

閑居少鄰並草徑入荒園鳥宿池邊一作樹僧敲
中月下門過橋分野色移石動雲根暫去還來此

幽期不負言

送韓湘

挂席從中路長風起廣津楚城花未發上苑蜨
來新半沒湖波月初生島草春孤霞臨石鏡極
浦映邨神細響吟乾葦餘馨動遠蘋欲憑將一
札寄與沃州人

寄董武

雖同一城裏少省得從容門揜園林僻日高
幘慵孤鴻來半夜積雪在諸峯正憶毘陵客聲
聲隔水鐘

宿贊上人房

堦前多是竹閑地擬栽松朱點草書疏雪平麻
履踪御溝寒夜雨宮寺靜時鐘此室無他事來
尋不厭重

訪李甘原居

原西居處靜門對曲江開石縫銜枯草查根上
淨一作清古落翠微泉夜落紫閣鳥時來仍憶尋淇岸
同行采薇迴

題山寺井

沈沈百尺餘功就豈斯須汲蚤僧出定鑿新蟲

自無藏源重嶂底激翳太空隅此地如經劫涼
潭會共枯

僻居無可上人相訪

自從居此地少有事相關積雨荒鄰圃秋池照
遠山硯中枯葉落枕上斷雲閑野客將禪子依
依偏往還

送李餘及第歸蜀

知音伸久屈覲省去光輝津濟逢清夜途程盡
翠微雲當綿竹疊鳥離錦江飛肯寄書來否原
居出甚稀

荒齋

草合逕微微終南對掩扉晚涼踈雨絕初曉遠
山稀落葉無青地閑身著白衣朴愚猶本性不
是學忘機

夜喜賀蘭三見訪

漏鐘仍夜淺時節欲秋分泉聒棲松鶴風除翳
月雲踏落行引興枕石卧論文即此尋常靜來
多祇是君

題青龍寺鏡公房

一夕曾留宿終南揺落時孤燈岡舍揜殘磬雪

風吹樹老因寒折泉深出井遲踈慵豈有事多
失上方期

送陳判官赴天德

將軍邀入幕束帶便離家身暖蕉衣窄天寒磧
日斜火燒岡斷葦一作草風卷雪一作平沙絲竹豐州
有春來祇欠花

送唐瓌歸敷水莊

毛女峯當戶日高頭未梳地侵山影埽葉帶露
痕書松逕僧尋廟一作藥沙泉鶴見魚一川風景好
恨不有吾廬

原東居喜唐溫琪頻至

曲江春草生紫閣雪分明汲井嘗泉味聽鐘問
寺名墨研秋日雨茶試老僧鐺地近勞頻訪烏
紗出送迎

送馭法師

度歲不相見嚴冬知出關孤煙寒色樹高雪夕
陽山瀑布寺應到牡丹房甚閑南朝遺跡在此
去幾時還

寄錢庶子

曲江春水滿北岸揜柴關祇有僧鄰舍全無物

映山樹陰終日埽藥債隔年還猶記聽琴夜寒
燈竹屋閒

原上秋居

關西又落木心事復如何歲月辭山久秋霖入
夜多鳥從井口出人自岳陽過倚杖聊閑望田
家未翦禾

夏夜

原寺偏鄰近開門物景澄磬通多葉罅月離片
雲稜寄宿山中鳥相尋海畔僧惟愁秋色至乍
可在炎蒸

冬夜

羈旅復經冬，瓢空盍亦空。
淚流寒枕上，跡絕舊山一作溪。
中凌結浮萍，水雪和衰柳。
風曙光雞未報，嘹唳兩三鴻。

送厲宗上人

擁策背岷峨，終南雨雪和。
漱泉秋鶴至，禪樹夜猿過。
高頂白雲盡，前山黃葉多。
曾吟廬岳上月，動九江波。

寄李存穆

聞道船中病，似憂親弟兄。
信來從水路，身去到

柴城久別長鬚鬢，
相見書姓名。忽然消息絕，
頻夢却還京。

贈無懷禪師

身從劫劫脩，果以此生周。
禪定石牀暖，月移山樹秋。
捧盃觀宿飯，敲磬過清流。
不捨玄關路，教人問到頭。

寄武功姚主簿

居枕江沱北，情懸渭曲西。
數宵曾夢見，幾處得書批。
驛路穿荒坂，公田帶淤泥。
靜基功奧妙，閑作韻清淒。
鉏草留叢藥，尋山上石梯。
客迴河水

漲風起夕陽低空地落連井孤村火隔溪卷簾
黃葉落鎖印子規啼隴色澄秋月邊聲入戰鼙
會須過縣去況是屢招攜

題劉華書齋

白日牀無塵青松栢有鱗一鷺啼帶雨兩樹合
從春荒榭落膠切幽叢果墮榛偶來踈或數當
暑夕勝晨露滴星河水巢重草木薪終南同往
意趙北獨遊身渡葉司天漏驚蛩遠地人機清
公幹疾也莫卧漳濱

送盧秀才遊潞府

雨餘滋潤在風不起塵沙邊日寡文思送君吟
月華過山千相府臨水宿僧家能賦焉長屈他
春宴杏花

送南康姚明府

銅章美少年小邑在南天版籍多遷客封疆接
洞田靜江鳴野鼓發纜帶村煙却笑陶元亮何
須憶醉眠

送友人棄官遊江左

羨君休作尉萬事且全身寰海多虞日江湖獨
往人姓名何處變鷗鳥幾時親別後吳中使應

須訪子真

雨中懷友

對雨思君子嘗茶近竹幽儒家鄰古寺不到又逢秋

寄遠

家住錦水上身征遼海邊十書九不到一到忽經年

南齋

獨自高齋卧神閑景亦空有山來枕上無事到心中簾卷侵牀月屏遮入座風望春春未至應

在海門東

蚤春題友人湖上新居二首

近得雲中看門長侵蚤開到時猶有雪行處已無落勸酒客初醉留茶僧未來每逢晴暖日惟見乞花栽

門不當官道行人到亦稀故從餐後出多是夜深歸開篋收詩卷掃牀移卧衣幾時同買宅相送有柴扉

賈浪仙長江集卷第四

賈浪仙長江集卷第五

送雍陶入蜀

江山事若諳
那肯滯雲南
草色分危磴
杉陰近古潭
日斜褰谷鳥
夏淺舊州蠶
吾自疑雙鬢
相逢更不堪

張郎中過原東居

年長惟添懶
經旬祇揜關
高人餐藥後
下馬此林閒
對坐天將暮
同來客亦閑
幾時能重至
水味似深山

答王建

一本無建字

秘書

長江詩五
人皆聞蟋蟀我獨歎一作恨蹉跎白髮無心鑷青山
去意多信來漳浦岸期負洞庭波時埽高槐影
朝迴或恐過

送李餘往湖南

昔去候溫涼秋山滿一作留楚鄉今來從辟命春物
徧潯陽岳石挂海雪野峯堆渚檣若尋吾祖宅
寂寞在瀟湘

偶作

野步隨吾意那知是與非稔年時雨足閏月暮
蟬稀獨樹依岡老遙峯出草微園林自有主宿

鳥且同歸

過雍秀才居

夏木鳥巢邊終南嶺色鮮就涼安坐石煮茗汲
鄰泉鐘遠青霄半蜩稀暑雨前幽齋如葺罷約
我一來眠

寄顧非熊

知君歸有處山水亦難齊猶去瀟湘遠不聞猿
狖啼穴通茅嶺下潮滿石城西獨立生遙思秋
原日漸低

送神邈法師

柳絮落濛濛西州道路中相逢春忽盡獨去講
初終行疾遙山雨眠遲後夜風遶房三兩樹回
日葉應紅

送慈恩寺霄韻法師謁太原李司空

何故謁司空雲山知幾重磧遙來雁盡雪急去
僧逢清磬先寒角禪燈徹曉烽舊房閑片石倚
著最高松

送知興上人

久住巴興寺如今始拂衣欲臨秋水別不向故
園歸錫挂天涯樹房開岳頂扉下看千里曉霜

海日生微

送惠雅法師歸玉泉

祇向瀟湘水洞庭湖未遊飲泉看月別下峽聽
猿愁講不停雷雨吟當一作曾近海流降霜歸楚夕
星冷玉泉秋

憶江上吳處士

閩國揚帆去蟾蜍虧復團秋風吹渭水落葉滿
長安此地聚會夕當時雷雨寒蘭橈殊未返消
息海雲端

題章博士新居

青楓何不種林在洞庭村應為三湘遠難移萬
里根斗牛初過伏菑蒼欲香門一作斗移亭北舊即
湖山隱新廬葺此原

石一作百門陂留辭從叔暮

幽鳥飛不遠此行千里閒寒衝陂水霧醉下菊
花山有恥常為客無成又入關何時臨澗柳吾
黨共來攀

送朱兵曹迴越

星彩練中見激江豈有泥潮生垂釣罷楚盡去
墻西磧鳥辭沙至山鼉隔水啼會稽半侵海濤

白禹祠溪

懷博陵故人

孤城易水頭不忘舊交游雪壓圍棋石風吹飲
酒樓路遙千萬里人別十三秋吟苦相思處天
寒水急流

夕思

秋宵已難曙漏向二更分我憶山水坐蟲當寂
寞聞洞庭風落木天姥月離雲會自東浮去將
何欲致君

寄河中楊少尹

非惟咎曩時投刺詣門遲
悵望三秋後參差萬里期
禹留䟽鑿跡舜在寂寥祠
此致杳難共迴風逐所思

孟融逸人

孟君臨水居不食水中魚
衣褐惟麤帛筐箱祇素書
樹林幽鳥戀世界此心踈
擬擢孤舟去何峯又結廬

晚晴見終南諸峯

秦分積多峯連巴勢不窮
半旬藏雨裏此日到牕中
圓魄將昇兔一作虛高空欲叫鴻
故山思不見

碣石沈寥東

宿池上

泉來從絕壑亭敞在中流
竹密無空岸松長可絆舟
蟪蛄潭上夜河漢島前秋
異夕一作日期深漲攜琴却此遊

喜姚郎中自杭州迴

路多楓樹林累日泊清陰
來去汎流水脩然適此心
一披江上作三起月中吟
東省期司諫雲門悔不尋

送鄭史

一作送鄭長史之嶺南

雲林頗重疊岑渚復幽竒汨水斜陽岸騷人正
則祠蒼梧多蟋蟀白露溼江蘼擢第榮南去晨
昏近九疑

送李溟謁宥州李權使君

英雄典宥州迢遞苦吟遊風宿驪山下月斜灞
水流去時初落葉迴日定無秋太守攜才子看
鵬百尺樓

永福湖和楊鄭州

積水還平岸春來引鄭溪舊渠通郭下新堰絕
湖西嵩少分明對瀟湘闊狹齊客遊隨庶子孤

嶼草萋萋

題長江

言心俱好靜解署落暉空歸吏封宵鑰行蛇入
古桐長江頻雨後明月衆星中若任遷人去西
浮與剡通

泥陽館

客愁何併起暮送故人回廢館秋螢出空城寒
雨來夕陽飄白露樹影埽青苔獨坐離容慘孤
燈照不開

送徐員外赴河中

原野正蕭瑟中間分散情吏從甘扈罷詔許朔
方行邊月沈殘角河關截夜城雲居閑獨住一作往
長老出房迎

送賀蘭上人

野僧來別我略坐傍泉沙遠道擎空鉢深山踏
落花無師禪自解有格句堪誇此去非緣事孤
雲不定家

寄令狐綯

一本無綯字

相公

梁園趨戟節海草幾枯春風水難遭便差池未
振鱗姓名猶語及門館阻何因苦擬修文卷重

送友人遊蜀

萬岑深積翠路向此中難欲暮多羈思因高莫
遠看卓家人寂寞揚子業凋殘惟有岷江水悠
悠帶月寒

送鄭少府

江岸一相見空憐惜此分淦陽行帶月酌水少
留君野地多燒草荒山過雪雲明年還調集蟬
可在家聞

子規

遊魂自相叫寧復記前身飛過鄰家月聲連野

路春夢邊催曉急愁處送風頻自有露花血相
和雨滴新

送僧歸天台

辭秦經越過歸寺海西峯石礪雙流水山門九
里松曾聞清禁漏却聽赤城鐘妙字研磨講應
齊智者蹤

賈浪仙長江集卷第五

賈浪仙長江集卷第六

讓紀曹上樂使君

戰戰復兢兢猶如履薄冰雖然叨一掾還是說
三乘瓶汲南溪水書來北岳僧驚愚兼抱疾權
紀不相應

贈友人

五字詩成卷清新少得借不同狂客醉自伴律
僧齋春別和花樹秋辭帶月淮却歸登第日名
近榜頭排

送雍陶及第歸成都寧親

一作觀

不唯詩著籍兼又賦知名議論於題稱春秋對
問精半應陰隲與全賴有司平歸去峯巒衆別
來松桂生漲江流水品當道白雲坑勿以攻文
捷而將學劍輕製衣新濯錦開醞舊燒罌同日
昇科士誰同膝下榮

謝令狐綯

一本無綯字

相公賜衣九事

長江飛鳥外主簿跨驢歸逐客寒前夜元戎予
厚衣雪來松更綠霜降月彌輝即日調殷鼎朝
分是與非

送金州鑒周上人

池必尋天目溪仍住若耶帆隨風便發月不要
雲遮極浦浮霜雁迴潮落海查峨嶠省古上立
雪指流沙

送譚遠上人

下視白雲時山房蓋樹皮垂一作雪枝松落子側一作佛
頂鶴聽棋清靜從沙劫中終日未歇金光明本
行傳侍出峨嵋

新年

嗟以龍鍾身一作貌如何歲後新石門思隱久銅鏡
強窺頻花發新移樹心知故國春誰能平此恨

豈是北宗人

送姚杭州

白雲峯下城日夕白雲生人老江波釣田侵海
樹耕吳山鍾入越蓮葉吹搖旌詩異石門思濤
來向越吟

送僧

出家從壯歲解論造玄門不惜揮談柄誰能聽
至言中時山果熟後夏竹陰繇此去逢何日峨
嵎曉復昏

夜集田卿宅

朗誦高齋下如將古調彈
翻鴻向桂水來雪渡
桑乾滴滴玉露曙
脩脩竹籟殘曩年
留宿此亦
值五陵寒

寄山友長孫栖嶠

此時氣蕭颯琴院可應關
鶴似君無事風吹雨
徧山松生青石上泉落
白雲閒有逕連嵩頂心
期相與還

酬厲玄

我來從北鄙子省陟一作度西陵白髮初相識
秋山擬共登鄰居帝城雨會宿御溝冰未報見貽作

耿然中夜興

送鏐式洛中覲省

晴峯三十六侍立上春臺同宿別離恨共看星
月迴野鷺臨苑語河權歷江來便寄相思札緘
封花下開

送空公往金州

七百里山水手中柳栗麤松生師坐石潭滌祖
傳孟長擬老岳嶠又聞思海湖惠能同俗姓不
是嶺南盧

贈紹明上人

未住青龍室中秋獨往年上方嵩古寺下視雨
和煙祖豈無言去心因斷臂傳不知能已後更
有幾燈然

贈弘泉上人

洗足下藍嶺古師精進同心知溪卉長居此玉
林空西殿宵燈磬東林曙雨風舊峯鄰太白石
座雨落蒙

送宣皎上人遊太白

剃髮鬢無雪去年三十三山過春草寺磬度落
花潭得句才鄰約論宗意在南峯靈疑懶下蒼

翠太虛參

病起

嵩丘歸未得空自責
逶迤迴身事豈能遂
蘭花又已開病令新作少
雨阻故人來燈下南華卷
祛愁當酒杯

送殷侍御赴同州

馮翊蒲西郡沙岡擁地形
中條全離岳清渭半和涇
夜暮眠明月秋深至洞庭
猶來交辟士事別偃林扃

送沈鶴

家楚壻於秦攜妻去養親
陸行千里外風卷一帆新
夜泊疏山雨秋吟擣藥輪
蕪城登眺作才動廣陵人

秋夜仰懷錢孟二公琴客會

月色四時好秋光君子知
南山昨夜雨為我寄一作寫清規
獨鶴脊寒骨高杉韻細颺
仙家縹緲弄彷彿此中期

贈李金州

綺里祠前後山程踐白雲
泝流隨大旆登岸見全軍
曉角吹人夢秋風卷雁羣
霧開方露日漢

水底沙分

酬姚合

一本無
合字

挾書

因貧行遠道得見舊交遊美酒易傾盡好詩難
卒酬公堂朝共到私第夜相留不覺入關晚別
來林木秋

送獨孤馬二秀才居明月山讀書

濯志俱高潔儒科慕冉顏家辭臨水郡雨到讀
書山棲鳥櫂花上聲鍾磬閣閒寂寥牕戶外時
見一舟還

病蟬

病蟬飛不得向我掌中行拆翼猶能薄酸吟尚
極清露華凝在腹塵點誤侵睛黃雀并鷓鴣俱
懷害爾情

青門里作

鷺存鴻已過海內幾人愁欲問南宗理將歸北
岳修若無攀桂分祇是卧雲休泉樹一為別依
稀三十秋

盧秀才南臺

居在青門里臺當千萬岑下因崗勢助上有樹
交陰陵遠根纔辨空長畔可尋新晴登嘯月驚

起宿枝禽

寄李轉侍御

終過盟津書分明夢不虛人從清渭別地隔太行
餘賓幙唯嫌靜公門但晏如搗輦乾霹靂斜
漢溼蟾蜍追琢垂今後敦龐得古初井臺憐操
築漳岸想丕疏亦冀鑑珉珮終當直石渠此身
多抱疾幽里近營居憶激蘇門礪經浮楚澤潞
松栽侵古影葦斷尚芹菹語嘿曾眠接心源離
滓淤誰言姓琴氏獨跨角生魚

寄令狐綯

一本無綯字

相公

驢駿勝羸馬東川路匪賒一緘論賈誼三蜀寄
嚴家激激霜江水分明露石砂話言聲及政棧
閣谷離斜自著衣偏暖誰憂雪六花裊裳留闊
襪防患與通茶山館中宵起星河殘月華雙僮
前日顧數口向天涯良樂知騏驥張雷驗鑊邪
謙光賢將相別紙聖龍蛇豈有斯言玷應無白
璧瑕不妨圓魄裏人亦指蝦蟇

再投李益常侍

何處初投刺當時赴尹京淹留花木變然諾肺
腸傾避暑蟬移樹登高雁過城人家嵩岳色公

府洛河聲聯句逢秋盡嘗茶看月生新衣裁白
苧思從曲江行

積雪

昔屬時霖滯今逢臘雪多南猜飄枉諸北訝雨
交河盡滅平蕪色弥重古木柯空中離白氣島
外下滄波隱者迷樵道朝人冷玉珂夕鯨仍晝
密漏閒復鍾和想積高嵩頂新秋皓月過

過楊道士居

先生修道處茅屋遠翬氛叩齒坐明月搢頤望
白雲精神含藥色衣服帶霞文無話

英華作每語

瀛洲

路多年別少君

贈僧

亂山秋木穴裏有靈虵藏鐵錫挂臨一作陵海石樓
聞異香出塵頭未白入定衲凝霜莫話五湖事
令人心欲狂

送友人遊塞

飄蓬多塞下君見益潛然迥磧砂銜日長河水
接天夜泉行客火曉戍向京煙少結相思恨佳
期芳草前

思遊邊友人

凝愁對孤燭昨日飲離杯葉下故人去天中新
雁來連沙秋草薄帶雪暮山開苑北紅塵道何
時見遠迴

秋暮寄友人

寥落關河暮霜風樹葉低遠天垂地外寒日下
山西有志煙霞切無家歲月迷清宵話白閣已
負數年棲

寄令狐綯

一本無綯字

相公

官蒙明敕授老免把犁鋤一主長江印三封東
省書不無濠上思唯食圃中蔬夢幻將泡影浮

賈浪仙長江集卷第七

送崔嶠遊瀟湘

功烈尚書孫琢磨風雅言渡河山鑿處陟險漢
灘喧夢想吟天目宵同話石門楓林葉欲下極
浦月清暎

寄朱錫珪

遠泊與誰同來從古木中長江人釣月野曠火
燒風夢澤吞楚大閩山隱一作阨海叢此時檣底水
濤起屈原通

馬戴居華山因寄

長江詩
一
玉女洗頭盆孤高不可言瀑流蓮岳頂河注華
山根絕雀林藏鷓無人境有猿秋蟾纔過雨石
上古松門

寄胡遇

一自殘春別經炎復到涼螢從枯樹出蛩入破
堦藏落葉書勝紙閑砧坐當牀東門因送客相
訪也何妨

送李戎扶持往壽安

二千餘里路一半是波濤未曉著衣起出城逢
日高關山多寇盜扶持帶弓刀臨別不揮淚誰

知心鬱陶

送孫逸人

衣履猶同俗妻兒亦宛然不飧能累月無疾一作病
已多年是藥皆諳性令人漸信仙杖頭書數卷
荷入翠微煙

寄華山僧

遙知白石室松柏隱朦朧月落看心次雲生閉
目中五更鍾隔岳萬尺水懸空落蘚嵌巖所依
稀有境通

送李登少府

伊陽耽酒尉朗詠醉醒新應見嵩山裏明年躑
躅春一千尋樹直三十六峯鄰流水潺潺處堅
貞玉礪珉

易州過郝逸人居

每逢詞翰客邀我共尋君果見閑居賦未曾流
俗聞也知鄰市井宛似出塵一作氛却笑巢由輩
何須隱白雲

酬鄆縣李廓少府見寄

稍憐公事退復遇夕陽時北朔霜凝竹南山水
入籬吟懷滄海侶空問白雲師恨不相從去心

惟野鶴知

淨業寺與一本有鄆縣二字李廓少府同宿

來從城上峯京寺暮相逢往往語復默微微雨
灑松家貧初罷吏年長畏聞蛩前日猶拘束披
衣起曉鍾

送南卓歸京

殘春別鏡陂罷郡未霜髭行李逢炎暑山泉滿
路岐雲藏巢鶴樹風觸嘯鶯枝三省同虛位雙
旌帶去思入城宵夢後待漏月沈時長策并忠
告從容寫玉墀一作池

卧疾走筆酬韓愈書問

一卧三四旬數書惟獨君願爲出海月不作歸
山雲身上衣裳子甌中物亦分欲知強健否病
鶴未離羣

長孫霞李漢自紫閣白閣二峯見訪

寂寞吾廬貧同來二閣人所論唯野事招作住
雲鄰古寺期秋宿平林散蚤春漱流今已矣巢
許豈堯臣

送惟一遊清涼寺

寺有巡臺侶荒溪衆樹分瓶殘秦地水錫入晉

山雲秋月離喧見寒泉出定聞人閒臨欲別旬
日雨紛紛

鄭尚書新開涪江二首

岸鑿青山破江開白浪寒日沈源出海春至草
生灘梓匠防波溢蓬仙畏水乾從今疏決後任
雨滯峯巒

不侵南畝務已拔北江流涪水方移岸潯陽有
到舟潭激初擣藥波動乍垂釣山可疏三里惟
從一作應一作歷億秋

寄喬侍郎

大寧猶不到曾渡北浮橋曉出爬船寺手擎紫
栗條差池不相見悵望至今朝近日營家計繩
懸一小瓢

送去華法師

在越居何寺東南水路歸秋江洗一鉢寒日曬
三衣默聽鴻聲盡行看葉影飛囊中無寶貨船
戶夜扃稀

送蔡京

躍蹄歸魯日帶漏別秦星易折芳條桂難窮遠
義經登封多秦岳巡狩徧滄溟家在何林下梁

賈浪仙長江集卷第八

送穆少府知眉州

劍門倚清漢君昔未曾過日暮行人少山深異
鳥多狖啼和峽雨棧盡到江波一路白雲裏飛
泉灑薜蘿

二月晦留別鄴一作鄴中友人

立馬柳花裏別君當酒酣春風漸向北雲雁不
飛南明曉日初一今年月又三鞭羸去暮色遠
岳起煙嵐

送李校書赴吉期

筮筭重重吉良期詎可遷不同牛女夜是配鳳
皇年佩玉春風裏題章蠟燭前詩書與箴訓夫
哲又妻賢

宿孤館

落日投村戍愁生爲客途寒一作春山晴一作寒後綠秋
月夜來孤橘樹下株在漁家一半無自知風水
靜舟繫岸邊蘆

哭宗密禪師

鳥道雪岑巔師亡誰去禪几塵增滅後樹色改
生前層塔當松吹殘踪傍野泉唯嗟聽經虎時

到壞菴邊

宿山寺

衆岫聳寒色精廬向此分流星透疎木走月逆
行雲絕頂人來少高松鶴不羣一僧年八十世
事未曾聞

送友人如邊

去日重陽後前程菊正芳行車輾秋岳落葉墮
寒霜雲入漢天白風高磧色黃蒲輪待恐晚求
薦向諸方

題竹谷上人院

禪庭高鳥道迴望極川原
樸逕連峯頂石泉通
竹根木深猶積雪山淺未聞猿
欲別塵中苦願
師貽一言

京兆原作

登原見城闕策蹇思炎天
日午路中客槐花風
處蟬透山秦木上清渭
漢陵前何事居人世皆
從名利牽

寄江上人

紫閣舊房在新家中岳東
煙波千里見一作隔消息
一朝通寒日汀洲路秋
晴島嶼風分明杜陵葉

送饒州張使君

終南雲雨連城闕去路江西一作西江白浪頭
滁上郡

齋辭昨一作農事勸今秋道心生向前朝寺

文思來一作借問泊帆干謁者誰人曾聽

峽發愁

觀冬設上東川楊尚書

匏革奏冬非獨樂軍城木曉啓重門何時入去

一作三台貴一作日空知八座尊羅綺舞時收雨點

龜貅闕外卷雲根逐遷屬吏隨賓列去權扁舟

不忘恩

浪仙集卷八

賈浪仙長江集卷第九

巴興

三年未省聞鴻叫九月何曾見草枯寒暑氣均
思白社星辰位正憶皇都蘇卿持節終還漢葛
相行師自渡瀘鄉味朔山林果別北歸期挂海
帆孤

蚤蟬

蚤蟬孤抱芳槐葉噪向殘陽意度秋也任一聲
催我老堪怜一作聽兩耳畏吟休得非下第無高韻
須是青山隱白頭若問此心嗟歎否天人不可

怨而尤

投元郎中

心在瀟湘歸未期卷中多是得名詩高臺聊望
清秋色片水堪一作留白鷺鷺省宿有時聞急雨
朝迴盡日伴禪師舊文去歲曾將獻蒙與人來
說始知

阮籍嘯臺

如聞長嘯春風裏荆棘叢邊訪舊蹤地接蘇門
山近遠荒臺突兀抵高峯

滕校書使院小池

小池誰見鑿時初走水南來十里餘樓上日斜
吹暮角院中人出鎖遊魚

送陝府王司馬

司馬雖然聽曉鍾尚猶高枕恣踈慵請詩僧過
三門水賣藥人歸五老峯移舫綠萍深處息登
樓涼夜此時逢杜陵惆悵臨相一作錢未寢月前
多屐蹤

上谷旅夜

世難那堪恨旅遊龍鍾更是對窮秋故園千里
數行淚鄰杵一聲終夜愁月到寒牕空皎晶風

長江詩九
翻落葉更颼颼此心不向常人說倚識平津萬
戶侯

寄無得頭陀

夏臘今應三十餘不離樹下塚閒居貌堪良匠
描毫寫行稱高僧續傳書落澗水聲來遠遠當
空月色自如如白衣只在青門裏心每相親跡
且疎

崔卿池上雙白鷺

鷺雛相逐出深籠頂各有絲莖數同灑石多霜
移足冷隔城遠樹挂巢空其如盡在灘聲外何

似雙飛浦色中見此池塘一作潭卿自鑿清冷太液
底潛通

送胡道士

短褐身披滿漬落靈溪深處觀門開却從城裏
攜琴去許到山中寄藥來臨水古壇秋醮罷宿
松幽鳥夜飛迴丹梯願逐真人上日夕歸心白
髮催

寄韓潮州愈

此心曾與木蘭舟直到天南湖一作潮水頭隔嶺篇
章來華岳出關書信過瀧流峯懸驛路殘雲斷

海浸城根老樹秋一夕瘴煙風卷盡月明初上
浪西樓

酬張籍王建

踈林荒宅古坡前久住還因太守憐漸老更思
深處隱多閑數得上方眠鼠拋貧屋收田日雁
度寒江擬雪天身事龍鍾應是分水曹芸閣枉
來篇

逢博陵故人彭兵曹

曲陽分散會京華見說三年住海涯別後解餐
蓬壘子向前未識牡丹花偶逢日者教求祿終

傍泉聲擬置家踏雪攜琴相就宿夜深開戶斗
牛斜

贈牛山人

二十年中餌茯苓致書半是老君經東都舊住
商人宅南國新修道士亭鑿石養蜂休買蜜坐
山秤藥不爭星古來隱者多能卜欲就先生問
丙丁

送于中丞使回紇冊立

君立天驕發使車冊文字字著金書漸過青塚
鄉山盡欲達皇情譯語初調角寒城邊色動下

長江詩九
四
霜秋磧雁行踈旌旗來往幾多日應向途中見
歲除

送劉侍御重使江西

當時苦熱遠行人石壁飛泉濺馬身又到鍾陵
知務大還浮滄浦屬秋新蚤程猿叫雲深極宿
館禽驚葉動頻前者已聞廉使薦兼言有畫靜
邊塵

贈圓上人

誦經千紙得爲僧塵尾持行不拂蠅古塔月高
開池水新壇日午見燒燈一雙童子澆紅藥百

八真珠貫彩繩且說近來心裏事讎仇相對似
親朋

處州李使君改任遂州因寄贈

庭樹幾株陰入戶主人何在客聞蟬鑰開原上
高樓鎖瓶汲池東古井泉赴靜野禽一作僧曾後到
休吟鄰叟始安眠仙都山水誰能憶西去風濤
書滿船

酬慈恩寺文郁上人

袈裟影入鏡一作禁池清猶憶鄉山近赤城籬落罅
閒寒蛩過莓落石上晚蛩行期登野閣閑應甚

阻宿幽房疾未平聞說又尋南岳去無端詩思
忽然生

訪鑒玄師姪

維摩青石講初休緣訪親宗到普州我有軍持
憑弟子岳陽溪裏汲寒流

夜坐

蟋蟀漸多秋不淺蟾蜍已沒夜應深三更兩鬢
幾枝雪一念雙峯四祖心

送別

門外便伸千里別無車不得到河梁高樓直上

百餘尺今日為君南望長

聞蟬感懷

新蟬忽發最高枝不覺立聽無限時正遇友人
來告別一心分作兩般悲

夏夜上谷宿開元寺

詩成一夜月中題便卧松風到曙雞帶月時聞
山鳥語郡城知近武陵溪

送于總持歸京

出家初離一作隸何方寺上國西明御水東卻見舊
房堦下樹別來二十一春風

崔御池上鶴

月中時叫葉紛紛不異洞庭霜夜聞翎羽如今
從放長猶能飛起向孤雲

田中丞高亭

高亭林表迥差莪獨坐秋宵不寢多玉兔玉人
歌裏出白雲雖是一作似莫相和

友人婚楊氏催裝

不知今夕是何夕催促陽臺近鏡臺誰道芙蓉
水中種青銅鏡裏一枝開

酬朱侍御望月見寄

他寢此時吾不寢近秋三五月逢晴相唯有
霜臺月望盡孤光見却生

題韋雲叟草堂

新起此堂開北牕當牕山隔一重江白茅草苔
重重密愛殺秋天夜雨淙

和韓吏部汎南溪

溪裏晚從他一作池岸出石泉秋急夜深聞木蘭船
共山人上月映渡頭零落雲

方鏡

背如刀截機頭錦面似升量澗底泉銅雀臺南

秋日得照來照去已三年

酬姚合

黍穗豆苗侵古道晴原午後蚤秋時故人相憶
僧來說楊柳無風蟬滿枝

送靈應上人

遍參尊宿遊方久名岳竒峯問此公五月半閒
看瀑布青城山裏白雲中

贈丘先生

常言吃藥全勝飯華岳松邊采茯苓不遣髭鬚
一莖白擬爲白日上昇人

渡桑乾

客舍并州已十霜歸心日夜憶咸陽無端更渡
桑乾水却望并州是故鄉

夜期嘯客不至

逸人期宿石床中遣我開扉對晚空不知何處
嘯秋月閑著松門一夜風

夜集烏行中所居

環鑪促席復持杯松院雙扉向月開坐上同聲
半先達名山獨入此心來

贈梁浦秀才斑竹拄杖

揀得林中最細枝結根石上長身遲莫嫌滴瀝
紅斑少恰似一作是湘妃淚盡時

尋石甕寺上方

野寺入時春雪後崎嶇得到此房前老僧不出
迎朝客已住上方三十年

賈浪

江集卷第九

賈浪仙長江集卷第十

蚤秋寄題天竺靈隱寺

峯前峯後寺新秋絕頂高牕見沃州人在定中
聞蟋蟀鶴從棲處挂獼猴山鐘夜度空江水汀
月寒生古石樓心憶懸帆身未遂謝公此地昔
年遊

黎陽寄姚合

魏都城裏游從熟才子齋中止泊多去日綠楊
垂紫陌歸時白草夾黃河新詩不覺千迴詠古
鏡重一作曾經幾度一作磨惆悵心思滑臺北滿杯濃

酒與愁和

送崔約秀才

歸寧鬢鬢三千里月向船牕見幾宵野鼠獨偷
高樹果前山漸見短禾苗更深柵鎖淮波疾葦
動風生雨氣遙重入石頭城下寺南朝杉老未
乾焦

詠懷

縱把書看未省勤一生計祇長貧可能在此
無成事不覺離家作老人中岳深林秋獨往南
原多草夜一作先無鄰經年抱疾誰來問野鳥相過

啄木頻

夏日寄高洗馬

三十年來長在客兩三行淚忽然垂白衣蒼鬢
經過懶赤日朱門偃息遲花發應耽新熟酒草
顛還寫蚤朝詩不緣馬死西州去畫角堪聽是
曉吹

送周判官元範赴越

原下相逢便別離蟬鳴關路使迴時過淮漸有
懸帆興到越應將墜葉期城上秋山生菊蚤驛
西寒渡落潮遲已曾幾徧隨旌旆去謁荒郊大

禹祠

送羅少府歸牛渚

作尉長安始三日一作月忽思牛渚夢天台楚山遠
色獨歸去灞水空流相送迴霜覆鶴身松子落
月分螢影石房開白雲多處應頻到寒澗泠泠
漱古落

題童真上人

江上修持積歲年灘聲未擬住潺湲誓從五十
身披袖便向三千界坐禪月峽青城那有滯天
台廬岳豈無緣昨宵忽夢遊滄海萬里波濤在

頤開

田將軍書院

滿庭花木半新栽石自平湖遠岸來筍迸鄰家
還長竹地經山雨幾層落井當深夜泉微上閣
入高秋戶盡開行背曲江誰到此琴書鏤著未
朝迴

投龐少尹

閉戶息機搔白首中庭一樹有清陰年年不改
風塵趣日日轉多泉石心病起望山臺上立覺
來聽雨燭前吟龐公相識元和歲眷分依依直

至今

夏夜登南樓

水岸寒一作樓帶月躋夏林初見岳陽溪一點新

螢報秋信不知何處一作是菩提

題青龍寺

碣石山人一軸詩終南山北數人知擬看青龍寺裏月待無一點夜雲時

贈李文通

營當萬勝岡頭下誓立千年不朽功天子手擎新鉞斧諫官請贈李文通

題號州三堂贈一本無吳郎中

無窮草樹昔誰栽新起臨湖白石臺半岸泥沙孤鶴立玉堂風雨四門開荷翻圓露驚秋近柳轉斜陽過水來昨夜北樓堪胡詠號城初鑲月徘徊

送僧

池上時時松雪落焚香煙起見孤燈靜夜憶誰來對坐曲江南岸寺中僧

三月晦日贈劉評事

三月正當三千日風光別我苦吟身共君今夜

不須睡未到曉鐘猶是春

送張道者

新歲抱琴何處去洛陽三十六峯西生來未識
山人面不得一聽烏夜啼

題魚尊師院

老子堂前花萬樹先生曾見幾迴春夜煎白石
平明喫不擬教人哭此身

宿村一作杜家亭子

牀頭枕是溪中石井底泉通竹下池宿客未眠
過夜半獨聞山雨到來時

送人南歸

分手向天涯迢迢泛海波雖然南地遠見說北
人多山暖花常發秋深鴈不過炎方饒勝事
去莫蹉跎

送人南遊

此別天涯遠孤舟泛海中夜行常認火帆去每
因風蠻國人多富炎方語不同鴈飛難度嶺書
信若爲通

下第別人

下第鬢毛蒼徘徊懸帝鄉鶯聲寒食後人醉曲

江傍淚落故山遠病來春草長知音豈易別孤
棹復三湘

蚤行

蚤起赴前程鄰雞尚未鳴主人燈下別羸馬暗
中行踏石新霜滑穿林宿鳥驚遠山鍾動後曙
色漸分明

老將

膽壯亂鬚白金瘡蠹百骸旌旗猶入夢歌舞不
開懷鸞雀來鷹架塵埃滿箭韞自誇勲業重開
府是官階

題鄭常侍廳前竹

綠竹臨詩酒嬋娟思不窮亂枝低積雪繁葉亞
寒風蕭颯疑泉過縈迴有逕通侵庭根出上隔
壁笋成叢踈影紗窓外清音寶瑟中卷簾終日
看欹枕幾秋同萬頃歌王子千竿伴院公露光
憐片片雨潤愛濛濛嶰谷蠻湖北湘川瀟水東
何如軒檻側蒼翠裏長空

蓮峯歌

錦礫潺湲玉溪水曉來微雨藤花紫冉冉山雞
紅尾長一聲樵斧驚飛起松刺梳空石差一作齒

煙香一作空風軟人參葉陽崖一夢伴雲根仙茵靈
芝夢魂裏

賈浪仙長江集卷第十

聖宋新修唐書賈島傳

島字浪仙范陽人初為浮屠名無本來東都時
洛陽令禁僧午後不得出島為詩自傷愈憐之
因教其為文遂去浮屠舉進士當其苦吟雖逢
值公卿貴人皆不之覺也一日見京兆尹跨驢
不避尹諱詰之久乃得釋累舉不中第文宗時
坐飛謗貶長江主簿會昌初以普州司倉遷司
戶參軍

韓文公送無本師歸范陽

無本於為文身大不及膽吾嘗示之難勇往無

不敢蛟龍弄角牙造次欲手攬衆鬼囚大幽下
覷襲玄窅天陽熙四海注視首不領鯨鵬相摩
宰兩舉快一噉夫豈能必然固已謝黯黠狂詞
肆滂葩低昂見舒慘姦窮怪變得往往造平澹
風蟬碎錦纈綠池埵茵苔芝英擢荒蕪孤翮起
連茨家住幽都遠未識氣先感來尋吾何能無
殊嗜昌歎始見洛陽春桃枝綴紅糝遂來長安
里時卦轉習坎老嬾無闔心久不事鈇槩欲以
金帛酬舉室常顧頷念當委我去霜雪刻以惜
猗飈摺空衢天地與頓撼勉率吐歌詩慰女別

後覽

題浪仙讚

惟可與鳥交情合道吟水望月不知其老鳥可
與清句
詩精流行此集四時代成世不得失
人不得平大哉浪仙雲山是營
又讚

長河流 岸葬久 太行前 少室後

後序

浪仙以詩鳴世傑出於貞元元和文章極盛之後孟郊死為之不已其詩與郊分鑣並馳峭直刻深羈情客思春愁秋怨讀之令人愛其工憐其志如聽燕趙之悲歌蛾眉之曼聲秦庭之哭荆山之泣也大抵士之不遇阨窮罹謗鬱鬱頓挫身可擯而志不可奪勢可壓而氣不可屈及其發也有至於怒髮裂眦而不可拚者故行吟澤畔仰天嗚嗚欲其為鸞和之音不可得也子每讀二子之詩而悲之又嘗見韓吏部所贈之

篇極道其騫涵滂葩低昂舒慘引而發之將以
取信於天下後世譬之鴻鵠羽翼既成必假天
風始致千里東野與吏部聯句之作閒見層出
物迎縷解欲罷不能人無異論浪仙攜斯文詣
韓公途中云袖有新詩成欲見張韓老青竹未
生翼一步萬里道安得西北風身願變蓬草然
則士有未効之用身在無譽之間非附青雲之
士何以成名哉二子所以拳拳於韓門而不去
韓公亦以樂得天下英才與之周旋而不倦也
此又不可不知也浪仙范陽人數千里貶官佐

邑於此遷普州司倉參軍以卒猶目其平生詩
曰長江集蓋仲卿之志在於桐鄉意其千秋百
世之後精爽靈游長在乎明月之山凡水之涓
也邑有祠堂典刑依然前主簿北函游君虞臣
好古攻書采他山之石爲十五碑盡書其三百
七十九篇未訖工而去予倦游就養子舍適縣
尹嘉祥衛君京督成其事因以舊傳墨制及蘇
絳所撰墓志銘唐書本傳與韓昌黎送行詩併
刻之本末備具可爲無窮之傳以後序見囑復
取僕初到縣謁君祠堂之詩繼之將俟知者一

觀焉

紹興二年壬子歲閏四月辛卯朔朝議大夫提
舉江州太平觀平陽王遠序

此處有非常模糊的印文或殘存文字，因字跡不清，無法辨識其內容。

